

مکتبہ اسلامیہ

۱۹ نجی سنہ

جزو، عدد : ۸۹

سنہ ۱۳۱۷





ميلاد عيسى ورأس سنهيه متعلق مطبوعات و بونك صنايع وتجارته اولان دخلي

معلومدرکه اقوام غربيه آره سنده ميلاد عيسى يورطيسييه، رأس سنهيه مخصوص بعض مراسم دينيه و مراسم معتاده واردر. مراسم دينيه منحصراً كليسايه عائد خصوصاً بدن اولديني جهته. بختمه تعلق يوقدر. فقط ميلاد ورأس سنه مناسبتيه مراسم معتاده دن اوله رق بيو کدن بيوکه، کوچو کدن بيوکه، اقران دن اقرانه، احباب دن احبابه، پدر دن اولاده، اولاد دن آيايه، برادر دن برادره، حاصلی خويشان دن خويشانه بر جوق تحفه لر، هديه لر گوندرلديگی گي، ميلو نرله ده تبريک نامه لر تعاطی اولنور. تبريک نامه لر آچيق پوسته ورقلری طرزنده برر کاغذ دن عبارت اوله رق. اوقدر لطيف، اورتبه نظر قريب نقوش و الوان ايله مزیندرکه هر بری اساساً برر رسام ماهر طرفدن زمين و زمانه موافق تصاویر ايله ترکیب اولندقدی صکره طبع ايدلمشدر.

ورقه تبريک لر بزم « عيد کز سعيد اولسون » « سنه جديده کز مبارک و مسعود اولسون » تعبير لر مزه مماثل برر عبارتي حاویدر. بونلرک آلتنه يالکز مرسلک امضاسی قونور. و بر طرفه لف ايله مرسل الیهک محل اقامتی يازيله رق يا پوسته يه توديعاً و يا خود اورو پاده [قوميسيونر] تعبير ايدیلان [آياق خفاقری] ايله ايصال ايدیلور.

ورقه تبريکيه تعاطیسی اڭ زياده انگليز لر آره سنده جاریدر. حتی اساساً بويولده تبريک نامه مطبوع اتخاذهنی آنلر احداث ايلشدردر. چونکه [وقت نقدر] قوی

شعاری اۆلان بۆملت، ولو عراسم دینی و مدنی لری ایفا یولنده اۆلسون، نقد و قتی اسراف ایتک ایستمز؛ بلکه ساده جه برامضا قویمقله برابر اۆوظیفه یی ایفا ایتک ایستز. حال بۆبله ایکن شایان استغرابدرکه انگلترده بۆورقلرک طبیعی دوشونلماش و ۴۰ میلیون انگلیز آره سنده میلاد وییل باشی یورطیلرند یالکز پوسته لرایله تعاطی ایدیلا بۆورقلرک مقداری ۱۶۰ میلیون عدده بالغ اۆلدیغی پوسته ایستایستقلریله مصدق بولندیغی حالده بونلرک یوز میلیون زیاده سی آلمانیا نك [نورن برغ] شهرندن گوندرلمکده بولمشدرد.

بۆورقلرک هربری، برپه نی [یعنی یگر می پاره] دن بش، اون شیلنه قدر مختلف قیمتده در. یعنی اک عادیسی ۲۰ پارمه واک مزین و نفیسی ۱۰ شیلنه در.

شوقرق میلیون انگلیز آره سنده ایکی شیلنک نوعندن مبايعه وارسال ایدمکک بر میلیون کبار ویا صاحب یسار فرض اۆلنسه وینه بۆر میلیون آدمدن هر برینک اۆز احبابی اۆلق لازم گلسه یالکز بر نوعدن ۱۰ میلیون ورقله صرف اولنور و بۆ یوزدن ۲۰ میلیون شیلین [بر میلیون انگلیز لیراسی] آلمانیا به گتمش اولور.

هر ورقله تبریکه بر طرفه لفا گوندرلمکده اۆلدیغی و انگلتره ممالکنک قریب وبعید کافه شنه بر مکتوب بر پهنی مقابلنده نقل اۆلدیغی جهتله انگلتره پوسته اداره سی بو یوزدن ۱۳ میلیون شیلین قزانمش اولور.

اصل جای دقت بوقدر بر مبلغ جسمیک یالکز شوسبب ناچیز مقابلنده وایکی گون ظرفنده دور ایتمی در.

انگلتره پوسته لری ییل باشی و میلاد یورطیسی ملابس سیله هر سنه بر هفته ایچون مستخدمین دائمه خارجنده اون بش بیك کشی استخدام ایدر. چونکه ییل باشی تبریک نامه لری نك تعاطی سندن طولای پوسته ایصالاتی، هر سنه ایصالات یومیه نك اون مثلی تزايد ایدر.

کچن ۱۸۹۸ سنه سی کانون اۆلنک یگر می بشندن ۱۸۹۹ سنه سی کانون اۆلنک ایکیسنه قدر طقوز گون ظرفنده گرک ورقله تبریکه و گرک قارت پوستال اۆله رق

عموم انگلتره پوسته‌لری ۲۴۱ میلیون نقل و ایصال ایتمشدزگه، بو خدمت‌ده، بر میلیون انگلیز لیراسی اجرت مقابلنده ایفا اولمشدز .

شمدی بوشی ناچیزك یوزندن صنعت و تجارتك حاصل ایتدیگی انبساط و بؤ انبساطدن طولاییدسیله استفاده ایدن ارباب احتیاجك حصه‌سنه اصابت ایدن اجرتك موجب اولدیغی مسرت و نشاط بزلرجه تقدیر اولنمه‌یه‌جق خصوصاً تاندذر .

آلمانیا‌ده ییل‌باشی مناسبتیه اقسام مطبوعاتدن تألیفات مصوره‌نك تمثیلات و راجی دخی حیرت رس عقول بر مرتبه‌ده‌در .

چو جقلره، گنج قزلره، دلی قانلیلره، سن شباب و وقوف اربابنه و حتی اختیارلره مخصوص کتابلر، رساله‌لر، رسم مجموعه‌لری، الفباجزؤلری، کلیسا کتابلری، تقویملر، سالنامه‌لر نشر ایدیلیور .

یالکز میلادعیسی هدیسه‌سی اوله‌رق باصلمش آثاره مخصوص اوله‌رق هر مطبعه، هر مثل، هر کتابچی متعدد [قاتالوغ] دفاتر اسامی نشر ایدر . بونلر بیله معترف اولدقلری کتب و رسائلك محتویاتی خلاصه ایله برابر، شامل اولدقلری تصویرلردن بر نمونه درج ایلدکلری جه‌تله هربری انواع اشکال و تصاویری حاوی برر مجموعه‌ده منتخبه اطلاقه شایاندز .

بش یاشنده کی صبیانه، یدیدن اون یاشنه قدر اولان اطفاله، ۱۲ دن ۱۶ یه قدر اولان اطفال مرهقه‌یه اون سکرذن ۲۰ ایکی‌یه قدر اولان ارباب شبابه الفبادن تاریخ طبیعی به قدر اولان اقسام علومدن، فقط ذوق و استفاده‌یی موجب اوله‌جق صورتده یازلمش غایت لطیف و مزین صورتده باصلمش کتابلر گورلمکده‌در .

بونوع آثار انگلتره‌ده، فرانسه‌ده دخی نشر اولمقده ایسه‌ده تبغات مخصوصده بولنانلره گوره آلمانیا‌نك بو خصوصده گوستردیگی ترقی مرتبه فوق‌العاده‌در . بومرتبه‌نك فوق‌العاده‌لگی ایسه شه‌سز فرانسه‌یه، حتی انگلتره‌یه نسبتله‌در .

گرچه ایکی سنه‌دن برو لوندرده [توك] مطبعه‌سی نورن‌برغ قارتلرینك رواجندن عبرتین اوله‌رق بوبولده ورقه‌لر طبعنه مباشرت ایلش ایسه‌ده، بر کره نورن‌برغ مطبعه‌لری بو خصوصده سنه‌لردن برو اختصاص پیدا ایتش اولدقلردن آنلره

بردن برة رقابته گيريشيله من . گيريشيلسه بيله اويله برايكي سندنظر فنده غلبه ايديله من .
 خصوصا آلمان ياده بوگي شيلرده استعمال اولنان موادك ائمانى اهون واستخدام اولنان
 اشخاص، مبدوليتى جهتهله پك دون اجرتة قانع اولديغندن، نفاستنه يتيشيلسه بيله
 اهونيتنه رقابت ايديله من . هله فرانسده بوايشه تشبث ايتمك هيچ بر مطبعه جينك
 خاطرينه كلامشدر؛ وگلسهده موفقيت قابل دگلدر .

ابوالضياء توفيق

